

萬曆泰州志序



蓋陽明先生之言曰禹貢職方有述不可尚已漢以來地理郡國方輿勝覽山海經之屬或略而多漏或誕而不經其間固已不能無憾惟我

朝一統志其綱簡於禹貢而無遺其目詳於職方而不冗其規模宏大濶畧實為天下萬世而作則王者事也若州縣之志固又有司

者之職其亦可緩乎余讀而有味乎其言夫有司者之職詳矣以志為有司之職毋迺孔子所為嘆文獻不足病杞宋無徵於夏商意耶然而郡邑有司簿書期會錢穀獄訟日不暇給何暇問志而事簡編為又非獨不暇而已且以為迂譚且以為末務顧安得言禮攷文存一方實錄垂為信史蓋堇堇云乃知孔子所以徵文獻陽明先生所以直取而隸諸

有司者之職此誠可與知者道概難與吏言也

志自靖嘉元年來闕略不修者垂八十餘載中丞直指兩臺以泰缺守選於衆舉鳳陽尹李君會疏入得

請以來今將報政矣百廢具修三事具舉一日概志之不修也引為己責而會其友人黃茂才孟茂才故許敬庵先生有學行屬之討

論修飾凡四閱月報成事而問序於余余為卒業而喜可知也簡而不遺詳而不冗庶幾於於一方為實錄於百代稱信史也乎哉可以垂久遠矣

萬曆三十二年歲在甲辰九月重陽

賜進士第中憲大夫太僕寺少卿奉勅

提督京營邊關馬政浙江按察司僉事儀

制司主事教習駙馬郡人陳應芳撰

萬曆泰州志序

今泰州守李君予同鄉也自少為莫逆迨德
清敬菴許師守盱群諸士講聖學予與李君
事之最專且久一旦以師友睽違負篋千里
月仲春祇拜敬師之堂居四旬別去抵泰則
孟夏矣一日李君謂予曰泰股肱維揚素號
名邦志編於嘉靖改元今八十餘載矣忝蒞
茲土修舉廢墜實不敢怠獨此為未遑也纂

修君所素勤矧千里遠來無非為學問篤交
誼其為我成之乎請得泰士與俱李君曰否
桑梓之人其所積見聞愛憎日橫於衷縱士
自士不能孰若空空洞洞原無一物只憑文
字讐即不無一二疎漏而以虞公得之固已
六七矣乃出揚州府志及素與章君定稿陳
太僕君家藏敬止集脩濬錄諸書予讀之就
館舍早夜刪存之四閱月而就姑以塞李君

請敢曰有補於泰哉而賀成者輒目為不朽
盛事予因謂李君曰志烏能不朽李君亦李
君能不朽此志耳甘棠之詠至今存焉是也
予入君治見其俗熙熙見其政井井其士民
依依而道路嘖嘖也庶幾方古循良矣故古期
循良吏必曰惻怛無華而子思子以至誠無
息博厚高明悠久之業此足以明實勝之善
而惟誠為可久耳李君勉之異日此志為君

甘棠也可以不朽矣志成并序以弁其端

萬曆甲辰重陽日黃佑懋信甫書于泰之別墅

萬曆泰州志

江西廣昌黃佑纂修

州人章文斗編次

知泰州事李存信校刊

同知胡應乾

判官丁應奎

署學正事程志

訓導劉咨益

孫秉淵

薛諧同校



萬曆泰州志目錄

江西廣昌黃佑纂修

州人章文斗編次

一曰辨職方

星野

疆境

沿革

形勝

街市

鄉都

風俗

二曰陳經制

城池

學校

署廨

坊表

鋪舍

橋渡

兵戎

三曰程物土

戶口

貢賦

力役

馬政

河渠

鹽課

物產

四曰敘官聯

職制

職制

莊任



州志卷一

江西廣昌黃

佑



州 人章文斗編次

一曰辨職方

星野

疆境

沿革

形勝

泰之為域屬古揚州平原一望水澤四週

易旱易澇總為民憂嗟哉良牧徹彼遐陬

辨職方

星野

周禮保章氏以星土辨九州之域列國之地

皆有分星以觀妖祥

漢班固三統曆十二次配十二野云斗江淮

牽牛婺女揚州

唐書南斗在雲漢下流吳越得其分野

海陵在江淮古之為地廣今之為地約其在

分野為彈九州治且然臯邑可知矣即後沿

革條須識此意

疆 境

在揚州府城東一百二十里東抵通州西界
江都南暨泰興北距興化廣一百三十五里
袤一百一十一里編戶一百八十七里

東至拼茶場二百一十里至海二百四十里
西至江都斗門三十里至江都一百二十里
南界泰興縣廟灣三十里至泰興九十里
北界興化凌亭八十里至興化一百二十里

東南至通州二百九十五里

東北至海一百九十里

西南至江都縣高韓莊三十里

西北至高郵州一百五十里

如臯縣治

西抵泰興縣界六十里南抵江濱石莊巡檢

司六十里北抵泰州廟灣三十里

廣一百八十里袤一百二十里

沿革

海陵 吳陵

海陽

俱州舊名

泰州古揚州之域粵自周武王封泰伯後於吳其地屬吳

元王四年越滅吳而不能正江淮之地遂屬

楚蘇秦謂楚威王曰東有海陽

海陽之名始

此

秦始皇二十六年滅楚分天下為三十六郡

屬九江

漢高帝封從兄劉賈為荆王王淮東屬荆國
賈無後

武帝元狩六年初置臨淮都統縣二十九海陵居其一

晉一字內徐州所部廣陵郡之屬縣有海陽
安帝義熙七年分廣陵界置海陵郡隸徐州
宋齊梁陳因之隸南充州

唐中宗景龍二年析置海安縣

南唐李昇昇元元年陞海陵縣為泰州

五代史

元順帝至正十三年州民張士誠攻城僭據

二十五年十月

天兵克復歸附仍為泰州隸揚州府割海陵

縣統如臯縣

如臯古揚州之域春秋屬吳吳滅屬越戰

國屬楚秦屬九江郡漢屬廣陵

南唐保大十年復陞為縣隸泰州宋元因之

國朝仍為泰州屬邑隸揚州府

形勝

泰州介乎維揚崇川之間平原爽塏衆水滎
迴東瀕海北據淮大江映乎前巨湖環於後
有陂角門戟之雄實江海門戶之要雉堞連
雲岡縈坡起皆一郡傑特之觀其淮南形勝
之區乎

泰山 州治西門內高五丈周百二十餘丈
以州名名之登山四望凡距城百里舉在

目前而京口諸峯隱然可見

天目山 州治東四十五里高二丈餘周二
百三十步王仙翁昔嘗隱是山有二井

羅浮山 州治西北五里高一丈周一百七
十八步在藪澤中不為洪水所沒遙望如
羅浮然因以為名

茅山 州治東北六十里高二丈餘周二百
五十一步相傳山嘗生香茅故名

呂城山 州治東三十里高一丈周三百八十步形如城相傳有呂姓者居之故名

中洲山 州治東北一百二十里西溪鎮之

北藍倉之東范文正公監本鎮日壘土為

云

鳳山 州治東一百二十里高三丈周百步

山前谿路環繞軒翔傍山為橋昂首巽方有鳳形焉故名

駱駝嶺 州治西南登仙橋東北

花園頭塔 州治北三里許

廣福寺塔 西溪鎮

周公塔 州治南南山寺側宋周孟陽家所

建又名鳳池筆穎

虎墩 州治東一百五十里小海場范文正

築捍海堤

長堤 州治南

濟川壩 州治南門外其壩五所延袤十里
今惟中壩存焉

黃龍壩 州治城北隅

魚行壩 州治北七里

西溪鎮壩 州治東東北一百二十里

二元坡 州治北門外以儲氏中二元而名

南園 州治南許子春建歐陽永叔作許氏

南園記今廢

揚子江 州治南四十里口岸港有渠通南

運河

小西湖 州治西泰山下今廢

鴨子湖 州治南二十里西通濟川河東接

運河

鷄雀湖 水自淤溪湖入

包考湖 州治東北四十里

東河 州治東三里通北運河

新河 州治西光孝寺東躍鱗河水入迎恩
橋通池津

南運河 州治南東抵通州及各鹽場直入
於海西通西運河

西運河 州治西南舊曰吳王溝漢吳王濞
開以通運至海陵倉

北運河 州治北通十二場

濟川河 州治南至運河壩至濟川鎮通揚

子江

浦汀河即海陵溪 州治北自魚行壩入與
化高郵寶應

角斜河 州治東北一百二十里南通拼茶
場西通海安鎮

城子溝 州治南三里

九里溝 州治西九里

黃沙溝 州治南二十五里

唐灣 州治東二十里

葦灣 西溪鎮東

龍潭 二所一在州治北五里新城觀西陂

澤中一在州治東南五里濟川第二壩相

對運河中

魚行減水閘 州治北六里

王仙翁井 州治東四十五里

如 臯

霞山 縣治後謂臯之土薄故高積土山以

接隴蜀培地脉

摩訶山 俗呼蝦蟆山

赤岸 縣東北浦岸縣北五十里

平臯 縣南七十里

牟尼湖 安寧鄉

九十九灣河 縣東南六十里

小溪河 縣西北

南北望河

立發河 縣北三十里

葛堰河 縣東南二十里

天生港 縣南六十里

掘港 縣東一百三十里

石莊港 石莊西

丁公井 丁天錫讀書院中

度軍井 縣治西十里

瓊井 元通庵內

德井 掘港場

泰州平壤無高山而有大川故所紀山惟以
丈計也可知已山川風氣之盛各有攸屬固
不必漫為粉飾又如他志於山崖溪澤之間
多註靈恠幻妄不經知者弗道焉